



道水

94  
1108  
2





錢氏小兒直訣卷二


吐瀉兼變症治

五月二十五日已後吐瀉壯熱此臟腑中九分熱也傷  
 熱乳食吐而不消瀉色深黃玉露散主之○六月十五  
 日已後吐瀉身溫臟腑六分冷也嘔吐乳食不消瀉色  
 黃白口乾作渴者食前少服益黃散食後多服玉露散  
 ○七月七日已後吐瀉身涼三分熱七分冷也不乳多  
 睡悶亂哽氣出氣睡卧露睛唇白多噦亦用益黃玉露  
 二散主之○八月十五日已後吐瀉身涼不乳乾噦瀉



門人關孝忠集

後學薛鑑校註



卷二

吐瀉兼變

小兒直訣二



青得水無礙也當用益黃散吐瀉乳食不化時時下痢  
肌肉消瘦此脾胃虛寒也用木香丸夏月不可服如有  
冷症則少服之其身溫壯熱或瀉痢紅黃赤黑此脾胃  
實熱也用黃連丸冬月不可服如有熱症則少服之  
薛按前法即內經用寒遠寒用熱遠熱之本旨又云  
有假者反之雖違其時以從其症蓋胃傷則嘔吐脾  
傷則泄瀉脾胃俱傷則吐瀉並作前症若傷辛熱停  
滯嘔吐或大便下痢者用六君子加黃連吳茱萸木  
香若停滯已去泄瀉不已用四君子加肉蔻骨脂若  
傷生冷腹痛瀉痢青白用六君子加砂仁木香炮薑  
若傷魚肉等物用六君子加山查砂仁若瀉紅黃赤

黑諸臟皆熱也先用香連丸後用補中益氣湯送香  
連丸若瀉痢青白乳食不化者用人參理中丸若吐  
瀉昏睡而露睛者用五味異功散睡而不露睛者用  
玉露散若吐而手足俱熱或喜冷飲食或睡不露睛  
者用瀉黃散或手足冷或惡冷飲食或睡而露睛者  
用六君子木香然木香黃連二丸雖能攻剋病邪不  
用無傷損脾胃治者審之  
五大尉患吐瀉米穀不化時六月或用溫補之藥更加  
嘔吐此熱傷胃也當用石膏湯解之不信又服丁香散  
師曰三日外必腹滿身熱飲水吐逆果如所言遂用白  
虎湯三服後以白餅子下之又與白虎石膏二湯各一



服而愈  
七太尉七月病吐瀉不食昏睡覺而悶亂噎氣乾嘔不  
渴衆作驚治師以爲脾虛先用史君子丸以補脾後用  
石膏湯以退熱次日以水銀硫黃末一字薑水調下間  
用溫補脾胃而愈

馮承務子五歲吐瀉壯熱不思飲食目睛多白面色無  
神師曰此腎經虛弱下之則愈虛遂以消積丸磨之漸  
愈大凡傷食不下則成癖下後卽與補脾無不效者  
愚治一小兒白睛多唇色白七月間停食吐瀉困睡  
驚悸久治不愈余曰驚悸心血虛怯也因睡脾氣虛  
弱也乃因稟賦不足所致耳用補中益氣湯及六味

九加鹿茸治之而愈

一小兒盛暑吐瀉米穀不化或用黃連香薷飲之類  
腹脹作痛手足並冷此脾氣虛而伏陰在內也用五  
味異功散加木香治之而愈先君嘗云凡暑令吐瀉  
手足發熱作渴飲冷者屬陽症宜清涼之劑若手足  
並冷作渴飲湯者屬陰症宜溫補之劑故大人屬陰  
者誤用寒涼之藥死後手足青黯甚則遍身皆然於  
此可驗

若吐乳瀉黃傷熱乳也吐乳瀉青傷冷乳也皆當下之  
吐瀉昏倦睡不露睛者胃實熱也吐痰涎及綠水者胃  
虛冷也



薛按前症若兒自受驚或乳母恚怒致兒吐瀉青色者宜用異功散加柴胡若母食厚味而乳熱者用東垣清胃散母飲酒而乳熱者用葛花解醒湯子服一二匙若飲燒酒而乳熱或子母身赤或昏憤服冷米醋三五杯多亦無妨兒服一二匙若母停滯生冷而乳冷者母服養胃湯子服調中丸若母停滯而變熱乳者母服大安九子服五味異功散若母鬱怒傷肝脾而乳熱者用歸脾湯逍遙散若母脾虛血弱而乳熱者用六君子加芎歸若母氣血虛而乳熱者子母俱服八珍散若母勞後發熱而乳熱者子母俱服補中益氣湯若因怒動肝火而乳熱者用五味異功散

加柴胡山梔其吐痰涎及白綠水者肝木乘脾土之虛寒症也用六君子加柴胡木香大凡吐乳瀉青色者屬驚法當平肝補脾吐瀉青白色者屬寒法當溫補脾土前諸症若手足指熱者屬實手足指冷者屬虛此驗法也

愚治一小兒每飲食失節或外驚所忤即吐瀉發搐服鎮驚化痰等藥而愈後發搐益甚飲食不進雖參朮之劑到口即嘔余用白朮和土炒黃用米泔煎數沸不時灌半匙仍嘔次日灌之微嘔再日灌之欲嘔此後每服二三匙漸加至半杯不嘔乃濃煎服而愈一小兒停食吐瀉後身熱作渴瀉下紅白或青黑服



黃連丸之類將愈而復熱手足指却冷余謂始為實熱終為虛寒用補中益氣湯加木香肉果治之而愈  
一少兒傷食吐瀉不已瀉色青綠或澹白睡而露睛手足指冷額黑唇青余謂瀉痢青綠肝勝脾土也或時澹白脾土虛寒也額黑唇青寒水侮土也悉屬中氣虛寒用五味異功散加升麻柴胡木香附子一劑而愈

一少兒傷食嘔吐發熱面赤服消導之劑飲食已消熱赤未退余以為胃經虛熱用六君子加升麻柴胡各二分四劑而愈

一少兒目睛緩視大便臭穢乃飲交感時乳所致用

四君子加木香藿香治之而安

一少兒吐酸乳食用四君吳茱黃連木香補脾平肝而愈後口中有酸水仍用前藥隨愈後唾苦水口中味苦用龍膽湯清肝火佐以四君子以補脾土乃瘥  
一少兒唾黃水或口甘所食之物悉皆甘味用瀉黃散愈後停乳食服剋伐之藥口甘不食形氣殊弱用補中益湯而愈

初生半日內吐瀉壯熱不乳或乳不消或白色先用白餅子下之後用益黃散和之

初生下吐因穢惡下咽故也用木瓜散主之凡初生急須拭淨口中否則啼聲一發穢物嚥下致生諸病



薛按芽兒初生之患多因乳母不慎七情不節  
傳兒為病當審其因以調治其母前所用之藥恐臟  
腑脆嫩不能勝受治者審之

咳嗽兼變症治 附喘嗽治驗

夫嗽者肺感微寒之症也八九月間肺氣大旺咳嗽面  
赤痰盛身熱當以葶藶丸下之若久病不可下也○十  
一月十二月嗽者乃傷風嗽也風從背脊第三椎肺俞  
穴而入當以麻黃湯汗之有熱症面赤飲水咽喉不利  
者兼用甘桔湯治之○若五七月間身熱甚唾粘者以  
編銀丸下之若無熱症而但嗽者以葶藶丸主之後用  
化毒藥○咳而後喘面腫者肺火盛也用瀉白散瀉之

咳而喘氣喉中有聲或嗽久肺亡津液者皆肺虛也  
並用阿膠散補之痰盛者先實脾土後用編銀丸微下  
涎退即補肺○嗽而吐青綠水者百祥丸下之嗽而吐  
痰涎乳食者白餅子下之嗽而咯膿血者甘桔湯主之  
嗽而痰實面赤飲水者編銀丸下之治初嗽下之又則  
補之更量虛實以意增損

薛按前症或兒自因腠理不密外邪內蘊或因乳母  
七情厚味鬱熱若風邪外傷者用麻黃湯表散鬱熱  
內蘊者用葶藶丸疏導鼻流清涕或頭痛聲重者用  
參蘇飲散之更用四君子以固肺氣若心火刑肺用  
人參平肺散以清肺金用六味地黃丸以滋腎

咳嗽兼變



嗽而吐青綠水者用六君子加柴胡桔梗平肝補肺  
若嗽而吐痰乳者用六君子加桔梗補土生金若嗽  
而吐膿血者用桔梗湯掛膿理肺潔古先生云嗽而  
兩脇痛肝火侮肺也用小柴胡湯嗽而嘔苦水膽汁  
溢上也用黃芩半夏生薑湯嗽而喉中作梗心火刑  
金也用甘桔湯嗽而下氣小腸失約也用芍藥甘草  
湯嗽而喘急風邪傷肺也用麻黃湯嗽而嘔長蟲胃  
氣盛也用烏梅丸嗽而痰涎壅盛風傷脾也用升麻  
湯嗽而遺尿大腸氣虛也用赤石脂禹餘糧湯不止  
猪苓湯嗽而腰背痠痛甚則咳涎風邪傷腎也用麻  
黃附子細辛湯嗽而遺尿膀胱氣虛也用茯苓甘草

湯嗽而腹滿面腫不食脾虛氣逆也用五味異功散  
丹溪先生云上半日嗽者胃中有火也黃昏嗽者脾  
肺氣虛也午後嗽者腎中陰火也大抵咳嗽之症多  
因肺氣虛滕理不密外邪所乘若風中於衛則呼氣  
不出熱至於榮則吸氣不入風熱相搏血氣稽留於  
肺若寸口脈數而虛為肺痿脈數而實為肺疽此因  
汗下過度虛土津液所致其麻黃湯乃發汗解表之  
劑葶藶丸乃內疎通利之劑白餅子亦疎利之劑審  
有是症方可暫用之苟泛投施治重亡津液必致敗  
症

杜氏子五歲仲冬咳嗽吐痰此風寒傷肺也用麻黃



以瀉肺後用阿膠散以實肺如此者三其病愈虛師曰  
瀉肝而肝病不退補肺而肺病猶存無能為矣果大喘  
而發  
李運使孫八歲咳嗽胃滿短氣或謂肺經有熱用竹葉  
湯牛黃膏各三服三日加喘師曰此肺氣虛而寒邪所  
乘用補脾肺之藥而愈蓋竹葉牛黃治心藥也用以治  
肺誤矣  
張氏孫九歲喘嗽悶亂飲水不止食不能下或用涼藥  
月許無效師曰此涼藥寒胃也以益胃散補脾土以瀉  
白散瀉肺金而愈  
段某子四歲病嗽身熱吐痰數日咯血或用甘桔湯

防已丸其涎上攻吐喘不止用楸銀丸一服下之復以  
補肺散治之或曰症屬肺虛何以下師曰肺經咯血而  
有熱故也况痰實上攻亦使發搐故宜先下其痰隨補  
脾肺而愈

愚治一小兒停食服尅伐之藥唾痰腥氣面赤氣喘  
此傷肺氣內土津液而變肺癰也不信已而果唾  
膿用楸銀丸痰膿頓止其喘益甚余謂因脾虛不能  
生肺而然也用五味異功散加杏仁薏苡仁百合瀉  
之而愈後小便澀滯誤服八正散二劑小便愈澀咳  
嗽唾痰面赤盜汗此前藥復損腎氣虛火燥肺而為  
患耳余用五味異功散調補脾土用地黃丸滋養



水而痊

愚治一小兒感胃咳嗽發散過度喘促不食痰中有血用桔梗湯愈後因元氣未復大便似痢或用五苓散黃連枳實之類痰喘日劇四肢抽搐變慢脾風而發

一小兒傷風咳嗽發熱服解表之劑加喘促出汗余以為脾肺氣虛欲用補中益氣湯加五味子補之不備乃服二陳桑杏枳殼桔梗前症益甚又加發搐痰湧余仍用前藥更加釣藤鈎而痊

一小兒母有哮喘病因勞即發兒飲其乳亦嗽用六君子加桔梗桑杏治其母子常服數滴而愈大凡乳下

嬰兒諸疾必調治其母為善

一小兒傷食發熱抽搐嘔吐氣喘痰嗽屬脾肺氣虛而有熱以六君子加炒黑黃連山梔各二分一劑頓安

一小兒咳嗽因其母素食膏粱炙煇所致用東垣清胃散而愈後其母因怒咳嗽脇痛其子亦然母服小柴胡湯其母亦愈

一小兒傷風咳嗽或行表散化痰反加痰盛肚腹膨脹面色恍白余謂此因脾肺氣虛而復傷用六君子加桔梗一劑頓愈三日後仍嗽鼻流清涕此復傷風寒而作仍用前藥加桑皮杏仁而愈







黃散 若患潮熱當先補肝後瀉心若妄以硝黃諸藥  
利之若患癰當消磨若誤以巴豆礪砂下之又傷寒悞  
下皆能成疰其初病者為熱疰用黃連丸久病者為冷  
疰用木香丸冷熱相兼者用如聖丸津液短少者用白  
朮散凡此因大病脾胃虧損內亡津液所致當固脾胃  
為主而早為施治則不變敗症也

薛按疰症或哺食太早或嗜食甘肥或服峻厲之藥  
重亡津液虛火熾盛或因稟賦或乳母厚味七情致  
之當各調治其內○若口舌蝕爛身體壯熱頤唇赤  
色或作腫痛腹膈煩悶或掌熱咽乾作渴飲水便赤  
盜汗齧齒虛驚此心經內外疰也用安神丸之類主

之○若鼻外生瘡眼目赤爛肢體似癰兩耳前後項  
側缺盆兩腋結核或小腹內股玉莖陰囊羣丸腫潰  
小便不調或出白津或咬指甲搖頭側目白膜遮睛  
羞明畏日肚大青筋口乾下血此肝經內外疰也用  
地黃蘆薈二丸主之○若頭不生髮或生瘡癩或髮  
成穗或人中口吻赤爛腹痛吐逆乳食不化口乾嗜  
土瀉下酸臭小便白濁或合目昏睡惡聞木音此脾  
經內外疰也用肥兒丸主之○若鼻外生瘡咽喉不  
利頸腫齒痛咳嗽寒熱皮膚皴錯欠伸少氣鼻痒出  
涕衄血目黃小便頻數此肝經內外疰也用地黃清  
肺飲主之○若腦熱吐痰手足逆冷寒熱往來滑泄



肚痛口臭作渴齒齦潰爛爪黑面黑身耳生瘡或耳  
出水或食自髮此腎經內外痔也用地黃丸主之凡  
痔熱上攻或痘毒上升為患甚速名為走馬痔急敷  
雄黃散服蟾蜍丸輕則牙根腐爛唇吻腫痛可治重  
則牙齦蝕落腮頰透爛不治世傳方又云有無華等  
痔一十二症補註蟾蜍  
丸下

愚治陳職方孫面頰患瘡將蝕兩目或用清熱之藥  
久而不愈余用大蕪荑湯一劑清其肝火而愈

陳司廳子遍身生瘡面色痿黃腹脹內熱大便不調  
飲食少思倦怠口乾用大蘆薈丸治其肝脾不月而  
愈

俞廷評子日劓面青食少體倦大便滑泄此木乘脾  
土用芍藥參苓飲而痊

陳工部孫腹內一塊小便不調或以血痞久服行氣  
破血等藥發熱口乾體瘦懶食幾成瘵症余謂面黃  
兼青乃肝脾痔症用補中益氣湯煎送大蘆薈丸四  
服又用前湯加車前子煎送六味丸四服又用清肝  
生血之藥而愈

一女子十歲日生白翳面黃浮腫口乾便澀此肝  
脾之症用四味肥兒丸而痊

一小兒九歲日劓畏明年深不愈或以為實火服瀉  
青丸之類益甚求治於余仍欲瀉肝余謂肝經虛火



用地黃丸補之而愈夫肝氣爲陽爲火肝血爲陰爲水肝經之症若非肝火血燥而生風必因肝血虛而火動其初患而病氣形氣俱實者宜少與瀉青丸瀉之其久患而病氣形氣俱虛者當與地黃丸補其腎肝蓋此症原因肝經血少而生風耳不可輒用瀉青峻劑經云凡病虛則補其母實則瀉其子前症果肝經實熱宜用柴胡黃連之類以治心火者審焉

一小兒鼻外生瘡不時揉擦延及兩耳又一小兒視物不明鼻內或痒或生瘡用四味肥兒丸漸愈

一小兒耳內出水耳外生瘡膿水淋漓經歲不愈余用九味蘆薈丸以治肝用地黃丸以生腎水乃瘥

西行

一小兒遍身如瘡或痒或痛肌體消瘦日夜發熱口乾作渴大便不調年餘不愈用蘆薈丸以治肝兼五味異功散以補脾而愈

一小兒數歲腦後並結二枚肉色如故而不可擊腫正屬膀胱經觀其形狀審其糞色兼屬肝脾腎三經用九味蘆薈丸以清肝脾佐用地黃丸以補腎水形體漸健不兩月而消

一小兒腹內結塊小便不調余以爲肝經內痔症用蘆薈丸爲主佐以龍膽瀉肝湯而消

一小兒自脫胎即兩目赤腫或作痒或作翳此胎真肝火耳用六味蘆薈丸一丸而愈

小兒



一 小兒患瘰癧，小便頻數，兩目連割，或作嘔，少食，泄瀉後重，此肝經熱盛而脾土受邪也。用補中益氣湯六味地黃丸而痊。

一 小兒面色痿黃，眼胞微腫，作渴，腹脹，飲食少，思腹中一塊，或移動，小便澄白，大便不實，此脾疳之患。用四君子加山梔、蕪荑、兼四味肥兒丸而愈。

一 小兒嗜食泥土，困睡，泄瀉，遍身如疥，此脾經內外疳也。用六君子湯及四味肥兒丸而痊。

一 小兒面黃頰赤，發熱，作渴，睡中驚悸，此心經內疳。症用四君加炒黑黃連、芎歸為主，佐以秘旨安神丸而痊。

一 小兒所患同前，兼掌心發熱，遍身如疥，此心經內外疳。症用肥兒丸為主，佐以秘旨安神丸而愈。

一 小兒咳嗽寒熱，咽喉不利，鼻上有瘡，久不生，痂此脾經疳。症用地黃清肺飲四味肥兒丸而愈。

一 小兒下疳，潰爛爪黑，面鰲遍身生疥，此腎經內外疳。症用地黃丸為主，佐以四味肥兒丸而痊。

史少叅幼子二歲，項後結核不時，仰首或以為熱，瘡肉潰，用針決之，服消毒之藥，後曲腰啼哭，余謂此無辜外疳症也。曲腰而啼，內疳症也。果痊。

腹痛腫脹諸症

小兒腹痛體瘦，面色觥白，目無睛光，口中氣冷，不思飲。

腹痛

腫脹諸症



食或嘔利撮口此脾土虛而寒水所侮也用益黃散調中丸主之若口中氣溫面色黃白目無睛光或多睡惡食或大便酸臭此積痛也用消積丸甚者白餅子下之後以白朮散調補胃氣若腹脹而悶亂喘滿者實也用紫霜丸白餅子若不悶亂喘滿者脾虛也誤下之以致目胞腮面四肢浮腫肚腹愈脹以芩氣丸主之因下而喘脾氣益虛也脾虛不能勝腎水隨肺氣行於四肢如水狀若侵浮於肺即大喘也

薛按腹痛不食口中氣冷下利撮口等症屬形病虛寒也用六君子加炮薑溫補之食積多睡口中氣溫惡食面黃白等症屬病氣實而元氣虛也用六君子

加神麴山查消導之劑若腹脹喘滿脾肺虛而氣不歸源者用補中益氣湯若因下脾肺氣虛而面自四肢浮腫等症者用金匱加減腎氣丸况此症有因乳母脾胃宿積飲食傷脾所致其白餅子紫霜丸必形病俱實方可用也芩氣丸亦非調補之劑宜審用之愚治一小兒每停食腹痛發赤暈用清中解鬱湯而愈後患搖頭咬牙疼盛發搐吐酸腐待其吐盡翌日少以七味白朮散次日又以參苓白朮散調理脾胃遂不復患大抵吐後兒安不必更服他藥恐復傷元氣也

一小兒傷食腹脹嘔吐發熱面赤服消導清熱之劑



飲食已消熱未退用六君子加升麻柴胡各二分  
升補胃氣四劑而愈

一小兒五歲停食腹痛發熱面赤或用養胃湯枳實  
黃連更加腹脹午後熱甚按其腹不痛余以為脾虛  
而藥傷用六君子湯數劑而痊

一小兒數歲每停食輒服峻厲之藥後肚腹膨脹嘔  
吐泄瀉先用六君子湯諸症漸愈又用補中益氣湯  
而安

一小兒肚腹脹飲食即瀉手足逆冷此脾氣虛寒也  
先用參理中丸後用六君子湯而愈

一小兒傷食腹脹胃滿有痰用異功散而痊後復傷

食腹脹兼痛或用下劑痛雖止而脹益甚更加氣喘  
此脾益傷而肺益虛也用六君子湯加桔梗調補而  
愈

一小兒腹脹惡食發熱惡心殊類外感余曰此飲食  
所傷脾肺虛熱也用保和丸一服諸症頓退但腹仍  
脹用異功散而痊

一小兒傷食腹脹服剋伐之劑小便瀦滯又服五苓  
散之類飲食漸減小便不通四肢頓腫余朝用金匱  
加減腎氣丸夕用異功散而愈

若腎熱傳於膀胱熱甚逆於脾肺脾胃虛而不能制腎  
水流走四肢而身面皆腫若上勝則刑於肺故令喘也



薛按肺主氣腎主水前症因稟賦不足或因大病後  
或誤行汗下致脾虛不能制水而溢皮膚肺虛不能  
攝氣而氣上逆宜用六味丸補中益氣湯治之如小  
便不利用金匱加減腎氣丸腎經虛火上炎肺熱作  
喘者用六味地黄丸心火熾盛肺熱作喘者用人參  
平肺散凡此皆屬腎經陰虛熱症用六味丸壯水為  
主若用清熱分利之藥則誤矣

一、小兒稟父腎熱小便赤澀服五苓散之類後患停  
食服越伐之藥四肢面目浮腫小便不利漸至氣喘  
此誤行滲利脾肺氣虛不能攝水而患腫脾腎虛寒  
不能制水而氣喘用六味丸加牛膝車前及補中益

疳積而愈

若口吐痰沫或吐清水面皸白心腹痛而有時者蟲痛  
也與癩相似但目不斜手不搖也用安蟲散主之

薛按蟲乃濕熱所生或木氣而化有因臟腑虛弱有  
因胃冷胃熱為人身之固有者其為患往來攻痛或  
吐涎水肌體消瘦面無正色但當調補脾胃為主若  
蟲食上部則上唇有白點蟲食下部則下唇有白點  
腹中之蟲朝日之後其頭向上望日之後其頭向下  
加或用藥先以肉物近兒鼻熯使聞香味蟲頭皆向  
上則藥易於奏效丹溪先生云冬月吐蟲多是胃氣  
虛寒用錢氏白朮散加丁香一粒補之可見小兒之



蟲皆飲食傷脾所致患瘡疥内生蟲虱者皆肝木所

主也

辛氏子年五歲病蟲痛或用巴豆礬砂之類哭而悅仰  
按腹大叫面青黃而時白目仍青師曰此病大困更加  
瀉則不救次夜大瀉并下前藥師曰今面青作瀉此肝  
木乘脾形病相反當五日篤七日死已而果然

愚治一小兒蟲動心腹痛先服蕪荑散下之更加作  
嘔食少口渴飲湯右頤鼻準白中兼黃此脾肺氣虛  
也余用異功散二服少愈仍加炮薑一服而安  
一女子年十三歲面色青黃頭左生瘡頸項結核寒  
熱往來大便不利余謂此肝木侮脾元氣虧損所致

寒熱非客邪便秘非內實不信仍服雜藥後作泄瀉  
瘡內出虱余用六君子加升麻柴胡蕪荑為主佐以  
九味蘆薈丸諸症悉退頸核頓消

一小兒面色青黃心腹作痛時欲嘔吐或小便淋漓  
或陰莖濕痒余以為肝經風熱侮脾不信後遍身生  
疥出蟲虱余用四味肥兒丸六君子湯之類尋愈  
若腹中有癖不食但飲乳是也當漸用白餅子下之蓋  
小兒病此良由乳食不消伏於腹中乍冷乍熱飲水過  
多即蕩滌腸胃士失津液脾胃虛弱不能傳化水穀以  
致四肢羸瘦肚腹漸大而成癖矣

薛按前症或因小兒乳食過多致傷脾胃或乳食起



吾七情六淫失宜所致必先調補元氣為主佐以消  
散之劑若除之不以漸則必有顛覆之患常治食積  
既去而熱不退或作嘔吐少食用五味異功散脇脹  
少食善怒瀉青用六君子湯加升麻柴胡少食體倦  
瀉黃用補中益氣湯手足冷加炮薑木香如不應佐  
用四神丸體瘦潮熱口乾大便不調用肥兒丸若兼  
頸項結核口齒腐爛當參前疳條主之

愚治一小兒腹中痞塞恪服二陳枳實黃連其痞益  
甚余謂屬脾經血虛用六君子加當歸數劑胃氣漸  
服復乃朝用異功散加升麻夕用異功散加當歸而  
愈

一十兒素嗜肉食腹中作痛大便不調半載之後吐  
腹膨脹右脇內結一塊不時轉移又三月左脇內亦  
結一塊胃腹亦脹嘔瀉作渴小便赤澀或澄白大便  
色穢不一又半載領下結核三五枚服消塊行滯等  
藥元氣益虛其塊益甚余用四味肥兒丸五味異功  
散之類隨症進退治之熱渴漸止又月餘腹脹漸消  
更佐以九味蘆薈丸齒齦漸愈乃用四君子為主佐  
以蕪荑丸之類而痊

一小兒飲食不節或作瀉或腹痛或腹脹腹中一塊  
大便不調作瀉發熱齦爛口臭專服消導尅滯前症  
益甚形體益瘦余曰面色黃中隱青脾土虧損而肝



木所侮也法當調補中氣平肝木則脾氣自旺虛火自退諸症自愈遂用沖和湯及大蕪荑湯之類果愈一小兒患痞脹冠滯之藥余謂形氣有餘病氣有餘者當瀉不當補形氣不足病氣不足者當補不當瀉前症屬形病俱虛非調補中氣不愈不信仍行剋伐元氣虧損虛火上炎齒齲蝕爛頰下結核余用大蕪荑湯及異功散之類尋愈

五臟雜症主治

喜驚者厚衣卧而額汗出也盜汗者肌肉虛而睡中汗出也用止汗散遍身汗用香瓜丸○胃虛汗者上至項下至臍也用益黃散六陽虛汗者上至頭下至項難治

薛按前症因小兒元氣未充腠理不密或因飲食停滯熱或厚衣溫燥臟腑生熱而津液妄泄也其喜汗屬心經血熱用導赤散血虛用團參湯其盜汗屬腎經虛熱用五味異功散氣血虛弱用人參養榮湯若寒水侮土用益黃散設及行施治誤損脾胃多成疳癆其六陽虛汗乃稟賦不足若用參附芪附二湯亦有生者大凡汗多亡陽必至角弓反張頸項勁強若用十全大補之劑多有生者

張氏三子大者汗出遍身與香瓜丸次者上至項下至臍與益脾散小者但額有汗與石膏湯各五日而愈若藥用麥煎散治之誤矣

五臟雜症

小兒直史三



愚治一小兒其面色或白或青或惡寒或發熱鼻間微黃兼白盜汗自汗胃膈不利飲食少思常懷畏懼余以為脾肺氣虛不信又用硃砂安神之類前毒益甚更往來寒熱泄瀉不食余用六君子湯加黃芪當歸為主佐以八珍湯之類而痊

一小兒五歲腹痛泄瀉盜汗鼻間左頤皆白此屬脾肺氣虛而食積所致用六君子加山查神麴四劑腹痛頓止去二味又四劑而大便調用四君歸芪二劑而盜汗止

一小兒十二歲形氣瘦弱右頤白兩頰赤鼻間隱青盜汗久不愈此稟足三陰虛而然也朝用補中益氣

湯用六味九而愈

一小兒三歲盜汗少食聞藥即嘔此胃傷也用淨麥炒為末每服少許以乳調服旬餘嘔止乳進佐以六君子湯而愈

一小兒停食腹痛夜間盜汗此脾虛食積所致用六君子湯數劑腹痛漸愈盜汗亦止後復停食服消積丸作瀉不止自汗盜汗飲食甚少睡而露睛四肢發搐此脾土虛而肝木所勝用六君子少加柴胡治之飲食漸進諸症漸愈但盜汗不止屬腎虛也佐以地黃丸愈

一小兒發熱呵欠頓悶咬牙盜汗屬肝膽火症用小



柴胡湯加山梔二劑又前用地黃丸料煎服而愈  
夜啼者小兒筋骨血脉未成而多哭脾臟冷而痛也當  
與溫中藥或花火膏主之 若虛怯爲冷所乘則  
薛按前症多因小兒稟賦不足或乳母飲食七情虧  
損所致若面色白及白睛多者屬腎氣不足至夜則  
陰盛而腹痛也用六味丸若臉青唇白或小便黃短  
屬脾氣不足至夜則陰盛而腹痛也用釣藤散若臉  
紅舌白或小便赤瀉小腸熱也用導赤散加辰砂如  
不應屬腎火用地黃丸唇色青白口中氣冷或肢體  
冷或泄瀉曲腰或泄瀉不乳此脾腎虛弱用六神散  
兼嘔吐用六君子湯大便不化乳少腹脹用五味異

功散加漏蘆令母服之兒病自愈兒亦服四五滴尤  
妙兒天數滿  
愚治一小兒停食腹痛夜啼用大安丸而愈後乳食  
雖入其腹仍痛用六君子加山查神麴痛少止乃去  
二味又四劑痛全止  
一歲兒痰嗽啼哭或用抱龍丸未止余視其右頰  
白左頰青此肺肝二經相勝先用瀉白散以祛肺邪  
次用柴胡梔子散以平肝火又用地黃丸以滋腎水  
而痊  
一小兒三歲夜啼面色白黑睛少小便清此脾腎氣  
虛朝用補中益氣湯加山藥五味并夕用地黃丸頓



愈

驚啼者邪氣乘心也當以安神主之

愚按哭而不啼多泪是驚悸也啼而無泪是痛也若

因心血不足用秘旨安神丸心火熾盛用導赤散木

火相搏用柴胡梔子散肝血不足用六味丸所云十

啼者蓋亦大同小異耳

愚治一小兒白睛多面色赤特作啼此稟腎不足用

地黃丸半載後忤其意雖哭面色不赤丹溪先生云

小兒忽大叫必死即此義也

若浴後臍不乾風入作瘡令兒撮口甚者是脾虛也

若頻撮口是氣不和也益黃散主之

愚按前症果因浴後拭搨不乾用枯礬為末搽之即

愈若兼乳母肝脾有熱助兒為患當用加味道遙散

以治其母若風入作瘡邪傳於脾撮口者其害匪輕

七日內患者其危尤速

弄熱舌者脾臟微熱令舌絡牽緊時時舒熱當少用瀉

黃散或飲水者脾胃虛而津液少也兼面黃肌瘦五心

煩熱者疳瘦也用胡黃連丸大病未已而弄舌者凶

愚按小兒舌微露而即收名弄舌屬心脾虛損用溫

脾散補之舌舒長而收緩名吐舌乃心脾積熱少用

瀉黃散主之兼口舌生瘡作渴飲冷屬胃經實熱用

瀉黃散作渴畏冷屬胃經虛熱用和君子湯食少作



渴或大便不實脾胃虛弱也用七味白朮散口角流涎或顛頰患腫胃虛風熱也先用人參安胃散後用七味白朮散若午後甚者脾血虛也四物湯參朮茯苓未應用補中益氣湯及審相勝其痺瘦症當參諸痺門七味白朮散即人參白朮散解顛者生下顛門不合也長必多愁少笑目白睛多面色恍白肢體消瘦皆腎虛也

愚按腎主髓腦為髓之海前症因父母精血不足不能榮養宜用地黃丸補之有至七八歲或十四五歲氣血既盛而自合若縱恣食色慾戕賊真陰亦不能盡其壽矣此症若在乳下當兼補其母更以軟帛緊

束兒首使其易合亦有顛陷顛填俱屬稟不足或五疳久病元氣虧損者仍參後小使不通類主之愚治一小兒顛解足軟膝大不能行履用六味丸加鹿茸治之三月而能步履

一小兒年十四歲而近女色發熱吐痰至有室兩目羞明頭覺脹大仍不斷慾頭漸大顛門忽開用地黃丸益氣湯之類斷色慾年餘而愈

一小兒十三歲患前症內熱晡熱形體倦怠食少作渴余以為所稟怯弱用六味丸加鹿茸補之不數月而痊

一小兒十四歲解顛自覺頭大視物皆大畏日羞明



先兄以為腎稟怯弱用六味丸加五味鹿茸及用補中益氣加山藥山茱萸半載漸愈二載而願合後媾姻覺額門開解足心如炙喜其斷色慾戒厚味服前藥二劑三載而愈

胎肥者生下豐厚目睛粉紅大便乾難時出涎水○胎熱者生下有血色時叫哭身熱淡黃目睛多赤大便色黃急欲食乳並用浴體法主之○胎怯者生下面白肌肉瘦弱大便白水身無血色哽氣多噦亦用浴體法薛按浴體之法乃開發腠理疎泄陽氣者也其胎氣果熱在暑月庶幾可用其或胎怯而用前法恐復傷真氣也然此症屬有餘者胎肥胎熱也因母食膏粱

厚味或怒火鬱熱胎怯弱者因父精不足或母氣虛弱用八珍湯父精不足用地黃丸俱加漏蘆令母服之子亦服之

急欲乳不能食者此風邪由臍而蘊熱心脾致舌厚唇燥不能吮乳也

薛按前症果因外邪而唇口撮緊者名為臍風多不能救若心脾有熱舌尖痛不能吮乳舌本痛不能送乳者以柳華散敷之若舌下腫如小舌者或舌絡牽痛或齒齲患白星俱用線針刺出毒血亦敷前散若唇腫痛或裂紋作痛以當歸膏調前散敷之若暴病發熱作渴飲冷大便秘結用瀉黃散疎導其熱若病



後發熱口渴飲湯大便不實用異功散調補胃氣若  
服攻伐之劑兼嘔吐或腹痛脾胃復傷也用四君子  
湯或口角流涎或痰氣壅盛脾不能攝也用木君子  
湯若兒自食甘肥或母食酒麵致兒口舌生瘡用清  
胃散以清熱若作嘔少食泄瀉用白朮散以補脾若  
手足並冷或腹痛惡寒用六君炮薑以溫中若因乳  
母飲食勞役失宜發熱致兒用補中益氣湯因乳母  
肝脾二經血虛內熱傳兒用加味道遙散八珍湯因  
乳母肝脾鬱怒血傷內熱致兒為患用加味道遙散  
加味歸脾湯俱加漏蘆子亦服數滴仍參前弄舌類  
凡鐵車舌以鐵直刺不可橫  
札恐傷舌絡則言語不清

龜背者由兒生下風客於脊入於骨髓致成龜背  
若肺熱脹滿攻於胃膈即成龜背並用龜尿點其骨節  
自愈取尿法用青蓮葉安龜在  
上用鏡照之其尿自出

薛按小兒元氣未充腠理不密風邪乘之或痰飲蘊  
熱於肺風熱交攻而致或坐早風入骨髓治當調補  
脾肺為主若因乳母厚味辛辣而致者當兼治其母  
若因稟父肝腎虛熱者用六味地黃丸若稟腎氣不  
足者用八味地黃丸

若患吐瀉或大便後雖有聲而不能言又能嚥物者非  
失音此腎怯不能上接於陽也當以地黃丸主之凡口  
噤不止則失音語遲



薛按前症多因稟腎不足蓋腎脈繫於舌本非地黃丸不能治故患此症者若仰首呵欠則嗽如未應須兼以補中益氣湯滋其化源若陰火上炎肺金受傷而失音者亦治以前法保嬰集云小兒五六歲腎氣不足而不能言者用菖蒲丸口禁不能言者用地黃丸

愚治一小兒言遲患泄瀉聲音不亮雜用清熱等劑聲音如瘖飲食少思去後多在侵晨朝用地黃丸加五味子久用補中益氣湯其泄頓止却專服前丸不兩月其言漸亮而愈

一小兒白睛多而黑睛少吐瀉後喉瘖口渴大便不

實朝夕悉服地黃丸而痊後患瀉其喉復瘖仍服前丸遂愈

若大病後身自皆黃者黃病也○身痛背強大小便澀一身盡黃小便黃赤此黃疸也瀉者難治○若百日或半年不因病而身黃者胃熱胎疸也若淡黃兼白者胃怯也

薛按大病後身自皆黃或肢體黃胖者脾氣虧損而真臟為病宜用六君子湯參苓白朮散調補元氣病後發渴者脾氣虛而津液少也用七味白朮散黃疸經濕熱壅滯二便秘脹理不得疎泄而為患者各為黃疸用茵陳湯初生身黃壯熱不乳便秘此為胎熱



用<sub>二</sub>地黃湯<sub>一</sub>若<sub>二</sub>便赤瀉腹脹面赤飲水用茵陳湯調<sub>一</sub>  
五苓散若清便自調四肢並冷用益黃散淡黃白用  
調中丸  
愚治<sub>一</sub>小兒旬日內先兩目發黃漸及遍身用瀉黃  
散服之瘥

一<sub>一</sub>小兒因<sub>二</sub>母食鬱飽脹嘔酸而患遍身皆黃余以<sub>一</sub>越  
鞠丸治其母以<sub>二</sub>泄黃散治其子並愈<sub>一</sub>

長大不行行則脚軟○齒久不生則不固○髮久不  
生生則不黑皆胎弱也

愚按前症即五遲之症也蓋腎主骨齒者骨之餘髮  
者腎之榮也良由<sub>二</sub>父母精血不足腎氣虛弱不能榮<sub>一</sub>

養而然耳有<sub>二</sub>肝腎虛長而不能行者有<sub>一</sub>肝氣虛而手  
足拳攣者有<sub>二</sub>肝腎虛而脚不能舒展者並用<sub>一</sub>地黃丸  
滋補之有<sub>二</sub>心氣虛而不能言語用<sub>一</sub>團參湯補中益氣  
湯培養之若<sub>二</sub>久病或<sub>一</sub>五疳所致者但<sub>二</sub>調補脾胃為<sub>一</sub>主  
全嬰方云頭項不足身軟謂之<sub>二</sub>五軟症皆胎稟腎氣  
怯弱也

愚治<sub>一</sub>小兒體瘦腿細不能行步齒不堅固髮稀短  
少屬<sub>二</sub>足三陰虛用<sub>一</sub>六味地黃丸補中益氣年餘諸症  
悉愈形體充實

一<sub>一</sub>小兒三歲言步未能牙髮稀少體瘦骨立發熱作  
渴目黑睛少服肥兒丸不應此<sub>二</sub>腎虛瘵症也前丸乃



脾胃經之藥久服則腎益虛而痔益甚不信果牙髮  
 漸落用六味丸加鹿茸五味子半載而愈  
 一小兒七歲左腿細短寸許不良於行目睛白多或  
 有盜汗髮黃成穗用地黃丸加鹿茸五味子為主佐  
 以補中益氣湯半載行履如故  
 一小兒脫肛半載恪服升補元氣之藥而愈

錢氏小兒直訣卷三終





